



**Ecclesiasticae Historiae, Et Dicta, Inprimis Memorabilia,  
Christi, Apostolorum, Martyrum, Confessorum, Doctorum,  
& hostium veteris Ecclesie: singulari iudicio, & pio studio,  
ex Eusebio Cæsariensi ...**

**Eusebius <Caesariensis>**

**Haer. Chr. Egen., 1571**

**VD16 E 4284**

37. Ex Capite VII. De Vltione & pœnis trium falsorum testium, qui contra  
Narcissum Episcopum Hierosolymitanum, falsum crimen testati erant,  
quorum, vt ipsi optarunt, si flasa testarentur, primus ...

---

[urn:nbn:de:hbz:466:1-69335](https://nbn-resolving.de/urn:nbn:de:hbz:466:1-69335)

**C**ertus esto, quod cum abiero ad Dominum meum sine mora, boni huius remunerationem parabo.

Potamienae fuit clara de stemmate virgo,  
Ob Christi nomen tradita sancta neci.  
Hanc ubi nudatam raptaret lictor ad ignem,  
Tentat lenonum tollere turba ferox:  
Basilides casto ductus sed amore pudoris,  
Tutatur corpus virgineumque decus.  
Nam repulit cæcam casto de corpore turbam,  
Talia cui virgo verba pudica refert:  
Huius, ne dubita, reddam tibi præmia facti,  
Cum veniam in Domini cælica regna mei.

37. EX CAPITE VII. DE VLTIONE & pœniſtrium falſorum testium, qui contra Narcissum Episcopum Hierosolymitanum, falſum crimen testati erant, quorum, vt ipſi optarunt, ſi falſa testarentur, primus incendio perijt, alter morbo regio, tertius oculis aſſiduè lachrymando orbatus eſt: de quibus Eusebij memorabile dictum extat.

**N**on ille magnus diuinæ prouidentiæ oculus quiescit in longum, ſed in impios vltionem per ea ipſa, quæ ſibi in periurijs statuerant, maledicta ingerit.

Nat-

Narcissus Solymæ delatus Episcopus vrbis  
 Infami est falso crimine s̄epe pius.  
 Sic tres procedunt, falsum qui crimen iniqui  
   Testantur, tali conditione viri.  
 Ignis, ait primus, falsum si testor ab alto  
   Quo subito exurar, decidat ipse precor.  
 Herculeo peream morbo precor, alter, atroci,  
   Hæc ego si testor crimina falsus, ait.  
 Tertius, his caris, ait, opto priuer ocellis,  
   Si refero falsus crimina falsa sciens.  
 Innocuus falso damnatur Episcopus, atq;  
   Periuros sequitur pœna petita viros.  
 Non oculus Domini, qui conficit omnia magnus,  
   Quæ cœlum, tellus, quæ mare cuncta tenet,     ,,  
 Pœnas in longum scelerum differre nocentum  
   Consuevit, iuste quas meruere graues.     ,,  
 Sic pœnas subito periuris ingerit vltor,  
   Impia quas statuunt per maledicta sibi.     ,,  
 Nam perijt primus, flammis vtricibus vstus  
   Testis continuo, cum pereunte domo.  
 Sic rigidus subito testis procumbit & alter  
   Morbo, quem petijt spumens antè, sacro.  
 Tertius ex casu sociorum, numinis iram  
   Spectans, non oculos se latuisse Dei.  
 In medium populi prorumpit, & ordine pandit  
   Exclamans, sceleris crimina magna sui.  
 Atq; dolens lachrymis oculos noctuq; dieq;  
   Deflendo facinus, perdidit ipse suos.